





MO'YQALAMNING PAYDO BO'LISHI, ULARDAN FOYDALANISH VA SAQLASH, MO'YQALAMLARNING TURLARI

Mo'yqalam insoniyat sivilizatsiyasi tarixidagi eng qadimiy tasviriy san'at vositalaridan biri hisoblanadi. U dastlab **ibtidoiy jamiyat** davrida g'or devorlariga tasvir tushirish ehtiyojidan kelib chiqqan holda shakllangan. Arxeologik tadqiqotlarga ko'ra, mo'yqalamga o'xshash dastlabki vositalar **paleolit** davrida, taxminan **miloddan avvalgi 30–20 ming yilliklarda** qo'llanilgan. Qadimgi insonlar **hayvon juni, qush pati va o'simlik tolalaridan** foydalangan holda devoriy tasvirlar yaratganlar. **Ispaniyadagi Altamira va Fransiyadagi Lasko** g'orlarida topilgan suratlar bu fikrning ilmiy dalili hisoblanadi. Mazkur tasvirlar insoniyatning dastlabki badiiy tafakkuri bilan bir qatorda, mo'yqalamning ilk ko'rinishlari mavjud bo'lganligini ham ko'rsatadi.



Fransiya Lasgo g'or rasmlari



Ispaniyadagi Altamir g'or rasmlari

Qadimgi Sharq sivilizatsiyalarida mo'yqalamning takomillashuvi yanada jadallashgan. Xususan, **Qadimgi Misrda** **miloddan avvalgi III–II ming yilliklarda** maqbara devorlari va ibodatxonalarni bezash jarayonida **qamish va hayvon junidan** tayyorlangan mo'yqalamlardan foydalanilgan.




Misrlik ustalar rangtasvir va yozuv san'atida mo'yqalamni muhim vosita sifatida qo'llaganlar. Keyinchalik Xitoyda mo'yqalam alohida san'at darajasiga ko'tarildi. **Miloddan avvalgi III asrlarga** kelib *xitoyliklar bambuk dastali va echki, bo'ri yoki kiyik junidan* tayyorlangan nozik mo'yqalamlardan foydalana boshladilar.



Natijada xattotlik va rangtasvir san'ati yuksak taraqqiy etdi. Xitoy san'atida mo'yqalam nafaqat texnik vosita, balki insonning ichki ruhiy holatini ifodalovchi estetik qurol sifatida ham qadrlangan.

Sharq san'ati taraqqiyotida mo'yqalam muhim o'rin egallaydi. Ayniqsa, Xitoy va Yaponiya xattotligi hamda miniatyura san'atida mo'yqalamning bosim kuchi, harakat tezligi va chiziq ifodasi rassomning mahoratini belgilovchi asosiy mezon hisoblangan. Ushbu an'analar Buyuk ipak yo'li orqali Markaziy Osiyo hududlariga

ham kirib kelgan. IX–XII asrlardan boshlab Movarounnahr va Xuroson hududlarida kitobat, miniatyura va naqsh san'ati rivojlanganligi sababli mo'yqalamdan foydalanish kengaydi. Ayniqsa, Temuriylar davrida Hirot va Samarqand miniatyura maktablari taraqqiy etib, mo'yqalam tasviriy san'atning asosiy vositalaridan biriga aylandi.



Temuriylar davrining buyuk musavviri Kamoliddin Behzod o'z asarlarida nihoyatda nozik uchli mo'yqalamlardan foydalangan. Uning miniatyuralarida inson qiyofasi, kiyim bezaklari, tabiat manzaralari va me'moriy detallarning aniqlik bilan ishlanishi mo'yqalam texnikasining yuksak darajada rivojlanganligini ko'rsatadi. Behzod ijodi Sharq miniatyura maktabining eng yuqori bosqichlaridan biri sifatida e'tirof etiladi.

O'zbek xalq amaliy bezak san'atida, xususan naqqoshlik san'atida mo'yqalamning ahamiyati nihoyatda katta hisoblanadi. Naqqoshlikda mo'yqalam naqsh kompozitsiyalarini yaratish, rang berish va bezak elementlarini ishlashda asosiy vosita sifatida qo'llaniladi. Naqqosh ustalar avvalo naqshni qog'ozga mo'yqalam yordamida tushirib, keyinchalik uni yog'och, ganch, devor yoki boshqa bezak buyumlariga ko'chirganlar. Ayniqsa, islimiy, girih va o'simliksimon naqshlarni ishlashda mo'yqalamning nozik harakati katta mahorat talab qiladi.


Naqqoshlik san'atida turli xil mo'yqalamlardan foydalaniladi. Masalan, *ingichka uchli* mo'yqamlar mayda va murakkab naqsh chiziqlarini ishlash uchun, *yumaloq yumshoq* mo'yqamlar rang berish uchun, *keng mo'yqamlar* esa fon

yuzalarini bo'yash uchun xizmat qiladi. Usta mo'yqalam orqali chiziqlarning qalin-yupqaligini, ranglarning uyg'unligini va naqsh ritmini boshqaradi. Shu sababli mo'yqalam naqqoshning individual uslubi va mahoratini namoyon qiluvchi muhim vosita hisoblanadi.

O'zbekistonda ko'plab mashhur naqqosh va bezak ustalari mo'yqalam yordamida yuksak badiiy asarlar yaratganlar. Usto Shirin Murodov, Jaloliddin Hakimov, Toshpo'lat Arslonqulov kabi ustalar milliy naqsh san'atini rivojlantirishda katta hissa qo'shganlar. Ularning ishlari masjid, madrasa, tarixiy obidalar va zamonaviy interyer bezaklarida keng qo'llanilgan. Bugungi kunda ham mo'yqalam naqqoshlik, miniatyura, kulolchilik, kitob bezagi, xattotlik va dekorativ-amaliy san'atning asosiy vositalaridan biri sifatida o'z ahamiyatini saqlab qolmoqda.



Usta Shirin Murodov



Yoqubjon Raufov



Toir To'xtaxo'jayev



Olimjon Qosimjonov



Jalil Hakimov

Mo'yqalamlardan foydalanish va ularni saqlash

Ular rassomchilikda, naqqoshlikda va bo'yoqchilikda qo'llaniladi. Uzun qilli mo'yqalamlar esa freska hamda teatr dekaratsiyalarini tayyorlashda ishlatiladi. Qadimgi ustalar mo'yqalamlarni o'zlari tayyorlaganlar yoki maxsus mo'yqalam tayyorlaydigan ustalarga buyurtma berganlar.

Akvarel va guash uchun tayyorlangan mo'yqalamlarni ishga yaroqli yoki yaroqsizligini bilish uchun mo'yqalamni suvga botiriladi va suvdan olib silkitilsa shunda uchlari to'planib qolsa bu mo'yqalam ishga yaroqli, aksincha tuklari tuzib tursa ishga yaroqsiz hisoblanadi. Ayrim naqqoshlar ikki tomonida ham mo'yi bo'lgan mo'yqalamlardan foydalanadilar. Ya'ni bir tomonida katta, ikkinchi tomoniga kichikroq mo'yi bo'ladi. Mo'yqalamlar ishlatilib bo'lingandan so'ng kirsovunda ehtiyotlik bilan yuvilib, keyin latta bilan siqilgandan so'ng stolni chetiga yoki maxsus tirgakka solib qo'yiladi.

Akvarel mo'yqalamini ishlatishda va uni saqlashda quyidagilarga alohida e'tibor berish kerak:

1. Mo'yqalamni suvda qoldirmaslik.
2. Mo'yqalamni bo'yoq bilan qotib qolishiga yo'l qo'ymaslik.
3. Ho'l holida mo'yqalamni saqlash mumkin emas.
4. Mo'yqalamni changdan, yog'li narsalardan saqlash.
5. Mo'yqalamning mo'y qismining uchini qiyshiq va tarqoq bo'lib qolishiga yo'l qo'ymaslik, chunki keyin to'g'rilash juda qiyin.
6. Akvarel ishlashda moyli moybo'yoq mo'yqalamini qo'llamaslik.
7. Mo'yqalamni quruq joyda, uchi qog'ozda o'ralgan holda maxsus qalamdonda saqlash kerak.



Mo'yqalam turlari:

1. **Gul qalam** – yumshoq mo'yqalam turi bo'lib, naqshlarni bo'yash va pardozlash uchun ishlatiladigan mo'yqalamdir. Gul qalamlar bo'rsiq, olmaxon, suvsar kabi hayvonlarni yungidan tayyorlanadi. Ularni ishlatish joyiga qarab uch turga: **mola qalam**, **obi qalam** va **siyoh qalamlarga** bo'linadi.:

2. **Mola qalamlar** 9, 10 nomerli mo'yqalamlardir. Naqshlarning katta va kichik zaminlarini (yuzalarini) bo'yashda ishlatiladi.

3. **Obi qalam** 6–7 nomerli mo'yqalamlardir. Naqshlarni juda kichik yuzalarini, barg, gul bo'yashda va kompozitsiyaning chetki chiziqlarini, ya'ni ramkalarini chizishda ishlatiladi.

4. **Siyoh qalam** esa 1, 2 nomerli mo'yqalamlar bo'lib, **axta** yordamida tushirilgan naqsh izlarining o'chib ketmaslik maqsadida bo'yoqda chizib chiqish, gul va barglarga tarfil berish hamda oq bandlarni tortishda ishlatiladi.

5. **Chakma qalam** – obi tortilgan joylariga chakma qo'yish uchun ishlatiladigan maxsus qalamga o'xshash tayoqcha. Uning uch qismining diametri 1 mm bo'ladi. Chakmalarni bo'yaydigan mo'yqalamlar suvsarning mo'yidan yasaladi. Bu mo'yqalamlar bilan ingichka va yo'g'on chiziqlar chizish mumkin, unda siyoh qalam va tarfil qilish juda qulay. Oddiy qalam yo'g'onligidek cho'pning bir tomoni yoki ikkinchi tomonini uch qismini yo'nib, diametri 1 mm li uchlik tayyorlanadi.

6. **Chakma qalam** – obi tortilgan joylariga chakma qo'yish uchun ishlatiladigan maxsus qalamga o'xshash tayoqcha. Uning uch qismining diametri 1 mm bo'ladi. Chakmalarni bo'yaydigan mo'yqalamlar suvsarning mo'yidan yasaladi. Bu mo'yqalamlar bilan ingichka va yo'g'on chiziqlar chizish mumkin, unda siyoh qalam va tarfil qilish juda qulay. Oddiy qalam yo'g'onligidek cho'pning bir tomoni yoki ikkinchi tomonini uch qismini yo'nib, diametri 1 mm li uchlik tayyorlanadi.

